

vbi dicit. Quod vero in Sessione. 23. cap. 15. circa confessiones à regularibus non audiendas statuitur, hoc etiam dictorum Ordinis Fratres, à prefatis suis Generalibus, vel Ministris Prouincialibus ad audiendas confessiones vtriusq; sexus Christi fidelium approbatos [vt præmittitur] minime comprehendant : ita vt à confessionibus audiendis, tam intra eorum Ecclesias, & domos, quàm extra minime prohibeantur, super hoc literas tēlis recordationis Pauli Papæ. 4. etiam prædecessoris nostri, concedentes eisdem Fratribus Mendicantibus regularis obseruatię posse confessiones secularium personarum, etiam infirmarum, etiam extra domos, & monasteria sua, & vbilibet audire, approbando & de nouo concedendo.

¶ Septima conclusio. Confessarij Mendicantes [si sint viri docti & iuxta formam Concilij Tridentini approbati] possunt ex commissione Prouincialis dispensare [in foro conscientię] ad petendum debitum cū his qui consanguineum vel consanguineam sui coniugis post Matrimonium carnaliter cognouerunt. Probatur ex viuę vocis Oraculo, Pij. 5. facto [die. 27. Septembris anni Do-